

四庫全書存目叢書編纂委員會編

齊魯書社

四庫全書存目叢書

史部
第八三冊

責任編輯：孫言誠 賀 偉

ISBN 7-5333-0535-3



21389 / 13

四庫全書存目叢書·史部八三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×92 毫米 16 開本 50.25 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第八三冊目次

史部·傳記類

薛文清公行實錄五卷

〔明〕王鴻輯
私藏明萬曆十六年吳達可刻崇禎重修本

商文毅公遺行集一卷

〔明〕商汝頤輯
天一閣文物保管所藏明正德十六年刻本

明三元太傅商文毅公年譜四卷

〔明〕商振倫撰
北京圖書館藏明萬曆元始堂刻清初增修本

夏忠靖公遺事一卷

〔明〕夏崇文撰
上海圖書館藏明弘治十四年馬炳然刻本

岳集五卷

〔明〕徐階輯
南京圖書館藏明嘉靖十五年焦煜刻本

吳疎山先生遺集十二卷

〔明〕吳悌撰
湖南圖書館藏清咸豐二年頤園刻本

胡公行實不分卷

〔明〕胡桂奇撰
北京圖書館藏清鈔本

鄭端簡公年譜九卷附錄一卷

〔明〕鄭履淳撰

五〇五

上海圖書館藏明嘉靖萬曆間刻鄭端簡公全集本

濂溪志九卷

〔明〕李楨撰

七〇五

福建省圖書館藏明萬曆刻本

薛文清公行實錄五卷

〔明〕王鴻輯

私藏明萬曆十六年吳達可刻崇禎重修本

附《四庫全書總目·薛文清行

實錄五卷》提要

薛文清公行實序

嗚呼聖賢之學不明於天下久矣自
濂洛關閩之後以斯道爲已任者寥
寥其人在元則有魯齋許公靜脩劉
公

國朝則有文清薛先生此皆篤始大節
無可疵議所謂道學之儒者是也先
生嘗言學者讀書窮理須實見得然

行實錄本

後驗於身心體而行之故其幼而壯
壯而老出處進退辭受取與之節無
一事不求合於義在大理時權奸中
傷則臨難而不避在內閣時義有所
不合則見幾不俟終日在河津時隱
居樂道則講學以淑後人傳曰富貴
不能淫貧賤不能移威武不能屈者
先生殆兼之矣如是而謂之儒者其

無愧乎平生所著述若讀書錄續讀書錄諸書咸明白簡易力挽末學詞章之陋蓋其踐履精純言與行相顧匪若立異銜奇高遠無實者所可倫也或曰從祀闕庭凡立言行道有功於聖門者皆取之若靜脩與先生篤志聖賢之學終其身而不變可謂有儒者之實矣而弗獲預非缺典與予應之曰歷代從祀之議有定於一時者有閱歷數十年與百年之後而始定者要其極秉彛好德之公烏能泯哉今議者輒以著述少之謂劉靜脩明道之功不如吳草廬薛文清講道之實不如考亭諸弟子疏其一節而遺其全體非天下之定論也夫生平百世之下而奮乎百世之上不由師

傳專心正學所謂豪傑之士問世之才其有功於名教也不為小矣以之侑食廟庭復何忝乎

聖朝文運聿興崇儒重道激勸風化之事以漸舉行然則二先生之從祀恐終有不可廢者矣予故併著其說以備論世者之采粹是編者河津王生鴻娶於先生之孫為石灰山關大使

云

正德六年歲在辛未六月既望

賜進士出身資善大夫南京禮部尚書

太原喬宇序

皇明文清公薛先生行實錄總目

第一卷

文清公像贊

喻時

文清公行狀

閻禹錫

文清公神道碑銘

李賢

文清公事實

附錄給事疏祭田祭文品物祭田

楊庶

第二卷

附錄祭文疏

裨補名教疏

張九功

崇真儒以隆聖治疏

許讚

從祀真儒以光聖治疏

楊瞻

表章真儒以勵世風疏

尚維持

崇祀真儒以成昭代曠典疏

韓揖

特錄儒臣從祀孔廟以全聖美端世風疏

韓遵

崇祀真儒以昭聖化以振士風疏

馬三樂

第三卷 記類

文清公祠堂記

呂楠

文清公從祀孔庭記

張四維

文清公書院記

王盛

重脩文清公祠記

李承華

重脩文清公林墓饗堂記

相世芳

重脩文清公塋宇記

樊得仁

祭文類

祭文清公文

陳斐

祭文清公文

張四維

祭文清公文

李天植

第四卷 序類

讀書錄序

閻禹錫

文集序

張鼎

重刊讀書錄序

鄭維新

讀書錄要語序

張吉

從政名言序

胡繼宗

詩類

贈敬軒先生致仕

李賢

又贈

朱祚

纂文清先生

石玠

謁文清先生祠

王諤

謁文清公

韓相

營建文清祠聯句

謝良材

謁文清夫子祠

李思進

文清正學書院

侯封

行實錄

周德恭

讀書錄

周德恭

河汾集

周德恭

第五卷

諸公叙述文

門人叙述文

遺事

祠堂柱聯

薛氏歷世科貢傳芳圖

奏請先生從祀人姓名

欽差巡按山西等處

監察御史宜興吳達可重刊

河津縣知縣延慶張紹文

縣丞濟寧韓之臣

主簿祁州王東明

典史九江饒文燁監脩

儒學署教諭邵陽王三策

訓導河州王從直督校

河津生員周德恭纂校

萬曆十六年戊子中秋望日正學書院識

行實錄一卷

明贈禮部尚書謚文清敬軒薛先生像贊

乾坤匪端道在渾淪乾坤分形道在聖賢

叶聖人胚胚元氣之津賢人跼跼元氣之

源義圖邈焉唐虞系之焉嚳往焉殷周繼

之不有鄒魯孰崇吾軌不有濂洛孰窺吾

牖叶考亭載揚魯齋載釐已而大迷趨而

多岐鴟鴞之嗜正味罔思徧徂之文正色

罔知比我

明興得聖之統萬生熾人往哲是踵厥稟既靈

厥養既重象焉尚凡而潛於穆衷焉尚統

而持於獨遠權許勢其氣維烈退勇平蠻

其才維傑刺奸執法其衷桓桓洗冤嬰禍

其衷安安治行在國七要論政理學服世

一源言性曰慈曰良孝心消消曰敬曰恭

德氣淵淵俗學易泥時汝之格異學易附

時汝之斥鳴者維華而道則真鳴者維泰

而道則循萬里以業一靜以馴振綺南省

與制罔乖宜猷東閣與時罔諧匪究厥施

匪愴厥懷世論已定終譽爾雁朝議已協

從祀爾待我生維晚慕公之醇我後維遜
觀公之神望之我我俾人如遠就之溫溫
俾人如覺散馬光風韞馬良璞可師與與
可親煌煌可光後裔可格後學聖者之從
賢者之殷于斯萬年元氣未剝

嘉靖乙巳夏

勅巡按山西等處監察御史汝南後學翁時撰
文清公有遺像藏其家五世矣甲辰秋今
察院汝南吳臯翁老先生按河津祇謁祠
下薛氏諸生捧像求題辭先生諾明年夏

行實錄卷一

命吏齋辭至日令焯書置其端予惟文清
公

今代大儒世之人皆知公而得見公之言議教
旨者甚少見公之言議教旨而得睹公之
遺像雖其鄉人或寡矣吳臯翁先生有題辭
其子孫世寶之歲時拜其容瞻其辭誦公
之道德不忘也而邑里後生有欲誦而觀
之者非造請其家則不能至於世之人其
又何能夫公之名在當世公之像又幸而
僅存其齋公之學乃發之以先生之宏

鉅辭天下之人其願見者固不直於學士
縉紳而然也焯小子不敏官公之鄉從先
生之下更是用錢石鐫像繫辭而申之以
小言摹刻出世之人將或謂焯能億度人
心之同好也

嘉靖乙巳秋七月吉河津縣知縣鮑洮雍
焯謹頓首拜書

禮部左侍郎兼翰林院學士薛先生行狀

閻禹錫

先生諱瑄字德溫世為河津人隋唐間薛

行實錄卷一

三

姓最顯所謂河東三鳳是也但語牒不存
無以為徵祖仲義通經史值元亂教授鄉
里不求仕進父貞洪武初領鄉薦為真定
元氏教諭娶邑人女齊氏調王田縣教諭
齊氏一夕夢一莪冠紫衣人謁見已而生
先生於學舍誕夕肌膚如水晶貌五臟皆
露家人以為怪欲棄之祖仲義聞其帝夢
洪大力止之曰體清而聲洪必異人也祖
素善卜遂以生字推之曰此兒必振吾宗
矣洪武己巳八月初十日子時也六七歲

祖教以小學四書千百言過目即成誦不
爲兒戲端坐儼如老成人姊妹見其坐皆
不敢過其前自稱天性即能作詩賦人皆
以薛天才目之時永嘉徐懷王高察魏希
文濟南王素亨海寧李大亨范汝舟皆元
者儒爲御史等官誦成玉田先生禮延於
家與之講論五經四書子史百家泛及釋
老天文地理之學諸老儒退謂人曰此子
聰敏力行可畏聖門有人矣皆不敢以師
自居而結爲交比及十三四五經諸書皆

○行實錄卷一

畧通大義洪武三十二年例停止北方學
校父貞改除四川馬湖府平夷長官司吏
目以地遠夷獠難治土官子弟喜先生幼
能詩咸背負其家請與作詩句教讀書至
晚輒以小豚爲禮送之日以爲常作平雲
南賦上沐國公大奇其才父貞因得有所
依倚無虞永樂元年父貞詔回復除河南
榮陽教諭時先生年十五矣諸生咸尊爲
師參議陳宗問行部至榮開先生名請見
先生固辭不往宗問與之就學舍相見既

而索先生詩藁觀之及視其動靜不苟謂
異日必爲大儒欲以奇童薦諸

朝先生以年未至學不就固辭乃止先生遂
厭科舉之學慨然有求道之志精思力踐
一言一動必質諸書一有不合終夜反側
不寐永樂十七年父貞改除鄢陵教諭時
例教官乏科貢者充戊父貞固欲先生且
應科舉先生遂遵父命中河南庠子解元
明年登辛丑會鶴齡榜進士第學士楊士
奇聞先生名邀致館下以訓諸子先生固
辭卻之時父貞任懷慶府河內教諭病故
先生丁憂回葬祭一遵家禮行哀毀人所
不堪四方遠邇咸來弔海寧李大亨諸公
皆自吳越來弔人以郭林宗徐孺子之事稱
之服闋赴

○行實錄卷一

五

闕上章願就教職以卒所學宣德三年
宜廟思振風紀擢爲廣東道監察御史三楊當
國令人屢邀先生欲識面先生曰某忝糾
劾之任無相識之理一日三楊於班行中
尋識之曰薛公見且不可得况得而屈乎

稱嘆不已會差往監湖廣銀場同列以爲
賀先生舉古詩云此鄉多寶玉慎其厭清
貧至則黜貪墨玉風俗手錄性理大全一
書潛心讀誦每至夜分方寢值冬夜雪飄
盈几讀誦不輟或思有所得即起而焚燭
記之或通宵不寐味而樂之有不知手舞
而足蹈者遂積爲讀書錄宣德七年丁繼
母許氏憂服闋復除雲南道監察御史正
統元年有言學政不舉者由提督不得其
人

○ 行實錄

本

詔選碩儒吏部尚書郭進首薦先生學行歷
歷之詳陞僉事提調山東學政首以朱子
白鹿洞規開示學者俾先致知而後力行
居敬以窮理由經以求道按臨所至必先
詢其力行而後及於文藝親爲諸生講解
懇懇告以爲人爲己之學誨人必隨其才
器成就之或以行步或以字畫或以講誦
或以詩賦各因其所長取之不求全而責
備數者皆無然後不得已必使以儒冠拜
祖宗而後去之諸生感慕不已至今談及

輒皆下泣無老少賢愚皆以道學薛夫子
目之正統六年

朝廷差辦事官張鳳召先生諸生一聞啼泣遠
送徘徊不舍爲牌位生祀之初吏部尚書
何文淵辭職去言於學士楊士奇曰薛某
學行無愧往哲某不能進盍舉之以代已
耶侍郎中有不悅先生者曰溺古不知變
通

召至遂爲大理少卿掌印未及五閱月辯白錦
衣衛已成案大獄十餘起指揮馬順滋不

○ 行實錄

七

悅屢諸於大監王振時振權傾一時自三
公以下莫不行跪禮學士楊士奇曹鼐知
振憾先生恐其獲罪屢諭先生以時勢所
在且曰先生此

召雖某薦之彼亦素聞其名蓋同已往謝其門
先生正色拒之曰安有受爵公朝謝恩私
室耶會有百戶實病死二年其妻私通行
事校尉遂欲娶之妻賀氏執以服未滿不
從校尉唆其妾誣妻麗魁夫死錦衣衛成
案送都察院審先生教辯其冤改問者八

道仍依其舊先生奏調刑部再問郎中潘
洪躬察其事果寃先生遂劾奏堂上官及
經該官吏時都御史王文素憾先生遂與
馬順諧於王振振大怒嗾諫臣劾先生是
古非今輒辯已成大獄

詔下刑部獄擬先生大臣巧言諫免暗邀人心
律大辟待決時秋後復奏有工部侍郎王
偉素與振善亦開公論不愜乃謂振曰人
言薛某獄實寃若決此人皆謂不能容賢
振默然遂調先生錦衣衛獄時學士劉球

○
布書錄事

上章因忤振下錦衣衛獄以死及先生赴
獄人皆危之先生怡然曰死生命也手持
周易讀誦不輟通政使李錫聞之曰真鐵
漢也大臣為申救於中遂放回為民正統
八年正月也家居七年閉門不出雖鄰里
罕得窺其面江西陝西諸省弟子來學者
百有餘人先生拳拳誨以從事小學以及
大學由洒掃應對以至於精義入神居敬
以立其本由經以求其道不事語言文字
而必責諸躬行之實問及科舉之學則默

然不對終日正衣冠危坐如對神明洛陽
閭閻錫徒步來學及別先生送至里門告
之曰程門教人以居敬窮理為要正統十
四年科道等官陳信等上言曰薛某學寃
性理

召為大理寺丞時虜騎薄都城先生上講學章
以勘定禍亂時欲取

諸王入議先生上疏擇取其賢者既而命先
生分守北門都帥見虜勢猖獗欲避其鋒
先生曰虜懸軍深入勢必不久既而果然

○
布書錄事

北奔貴州苗叛

九

命將征之委先生督運餉且贊畫軍事先生
謂都帥曰欲勵威武以服其外不若先布
恩信以服其心都帥然其計先為檄布諭
諸苗示以禍福順逆然後耀武以懼之貴
州遂平先生上疏謂者州遠夷當羈縻之
不當責以貢賦不報先生嘆曰民力竭矣
吾忍重急之耶上章懇乞致仕戶部左侍
郎兼翰林院學士江淵上疏曰薛某躬行
實踐深明理學宜留

內閣近地以資啓沃景泰二年陞南京大理

寺卿有富豪殘虐人命者獄久不決執法欲貸之先生曰死者何辜竟抵於法周氏冤獄積年不明先生爲洗雪其冤人皆稱快其他平反多類此不能悉記時大監興安袁誠鎮守南京例該各部每月赴彼議事都御史張純先生同年也謂先生曰初見大監盡加禮焉先生至興安降階與分庭抗禮興安退謂人曰此人曾與王振作對頭肯爲吾屈耶遇端午節令人餽扇先生獨不受曰此

朝廷之禮不敢受刑部尚書楊寧少卿廖莊俱以才學相尚及見先生嘆曰先生當於古人中求之何敢與之輩行耶大監金英出差南京諸司多迎送出郭先生獨不往英謂衆曰南京好官惟薛卿耳彼雖不吾送吾不怪也至京言於

上素聞先生名遣使召先生景泰四年九月也欲大用之中官有不悅先生者沮止之改

大理寺卿草場火患

上怒欲盡誅典守者先生爲辯其冤錄松有錢民乞粟富家吝不與遂火其屋蹈海以避罪

遣太子太保王文往廉之文以謀叛籍其五百餘家解京衆畏文勢莫敢言先生首上章力辯其冤文謂人曰薛某舊性不改當有以報之先生聞而笑曰辯冤獲咎死何憾焉辯之愈力既而科道互上章辯之但誅魁首三四人餘皆從戎其平反極多人有

錄成帙者天順元年正月十九日

其廟復登寶位夜

召先生轉禮部侍郎兼翰林院學士入

內閣侍郎李賢喜曰正先生行道之時也先生曰某外臣驟進誠意未孚一日召入便殿

上服短服小帽先生不入

上遽易服入見語及半時皆正心誠意之言左

右曰此正薛夫子也太監曹吉祥用事一日生日同列約相賀先生遽稱腹痛而出

同列有矜其迎復之功者先生曰許魯齋不陳伐宋之謀何耶凡事取必於智謀之末而不循天理之正非聖賢之學也尋命為會試考官先生為首序以正學復性為言同考曰此數字久不言恐非時文請易之先生曰某平生所學惟此數字而已

上即位初每日接見禮遇甚厚後連日不召見及大監曹吉祥國公石亨等竊弄威權先生謂同列曰穆生云醴酒不設王之意怠矣盍去諸同列曰

○行實錄卷

十一

上或有事先生曰君子見幾而作寧俟終日耶即以疾連章懇辭石亨素敬先生來視疾因謂先生曰如即不留我為先生啓

上請勅書卿家為塾以訓子弟且以資其養先生曰昔魯齋去元世祖賜勅書以教人生懸於梁終身不以示人及卒發而視之乃勅書也某若資其養焉若不辭官之為愈也亨嘆息而去未幾學士徐有貞李賢許彬皆下錦衣衛獄是年六月初六日也居間纔五月耳家居八年閉門不出四方

從學者日衆至市館不能容先生憮憮以復性為教曰此程朱與紫為人處而歐陽永叔言性非所先大誤矣又曰學者讀書窮理渾實見得然後驗於身心體而行之不然無異買櫝而還珠也南陽李先生當國每以書寄先生始終不答門人問之曰昔溫公退居於洛呂申公當國屢以書問起居溫公不答某亦此意也積為讀書續錄平日奏疏削其稿皆不存一夕檢閱舊書及讀書錄文集細成束置於架上為詩

○行實錄卷

十二

曰七十六年無一事此心惟覺性天通粘壁間忽遺疾彌留正衣冠危坐而逝迅雷振屋白氣上升天順八年六月十五日也有司為之具奏於

朝

詔贈禮部尚書謚文清遣官葬祭國子監丞李紳知府陳銓學官張表等前後上章乞先生入從祀當道者未遑行之嗚呼自七十七子喪而仁義之道不明於天下迨至戰國之時各售功利之說而不知仁義之道為

何事孟子起而正救之論性善論仁義蓋所以過人欲於橫流存天理於既滅也孟子既沒而仁義之道爲之一蝕至唐韓愈獨能原性以示學者天下仰之如泰山北斗韓愈有功於名教也有宋五星聚奎真儒輩出周子者繪太極一圖以明性理之源淵程子謂性即理也之一言乃窮本極源之至論張子謂形而後有氣質之性所以輔翼孟子性善之言朱子集群賢之大成而折衷之然後仁義之道大明於世後學豈容再贊一辭但至宋末文弊爲之一極間有叛朱子之心學而逐於異說者許魯齋獨能沿流求源而專致力於躬行踐履之間尊小學爲入德之門蓋祖朱子之心學也及宋末詞章枝葉之學競起先生懼其末流遠而本源晦也敬錄御製性理大全書晝夜讀誦不輟然後約之於心身性理之間謂太極即吾仁義禮知之性也謂五經四書一性字括盡謂今之學者不知性之至不踐性之至非學也著讀

書一錄輯發明性理之旨非徒言也而又能踐其藪翔集數千言皆祖述聖賢之格言非徒辭也而皆根乎理若於性大本大源無所見而徒馳騁乎辭章之工著述之富以爲道學則司馬遷劉向之博極群書賢於魯參之一唯王安石王雱之著書萬言踰於顏回之四勿矣嗟乎程子有曰苟楊不識性更說甚道龜山楊氏亦曰歐陽修言性非所先可謂誤矣觀二儒之言則堯舜文武之道統孔曾思孟周程張朱之道學豈有外於此性哉蓋天下無性外之物而性無不在舍性而論道有何道之可論舍性而著書又何書之可著乎世間先生著述少者豈足知先生之志哉後之求先生者當於此考之薛文清公神道碑 李賢予惟吾道正脉實由近世周程張朱有以倡明之也至於我朝乃始表章諸儒之言頒行天下由是天下士習一歸於正嗚呼盛哉然今之君子能

欣悅愛慕而篤信之者未有過於薛公也
今也云亡可勝悼耶乃按其徙前園子監
丞圖禹錫狀爲公神道碑銘公諱瑄字德
溫世爲山西河津人其先自奚仲封爲薛
侯居河東子孫遂以國爲氏曾祖常祖仲
義皆通經教授鄉里不求仕進父貞洪武
初領鄉荐爲真定元氏教諭仲義俱以
瑄貴贈通議大夫大理寺卿妣皆爲淑人
初齊淑人夢一紫衣人謁見而生公祖以
生時卜之太吉曰此子必大吾門矣童時
教之讀書輒成誦日記千百言貞爲榮陽
教諭公隨時年十二以所作詩呈監
司監司大奇之公聞魏范二老先生深於
理學乃禮延於家供弟子職日與講習周
程朱張性理諸書久之嘆曰此道學之正
脉也遂焚其所作詩賦專心於是至忘寢
食永樂己亥貞敗任河南鄆陵公慮任將
滿尚乏科貢乃充邑庠生赴鄉闈遂中解
魁貞大喜以爲得子之助明年登進士第
名動縉紳間是歲秋貞有疾公親嘗湯藥不離

左右居父喪一遵古禮服闋願就教職會
宣廟思振風紀選擢雲南道監察御史尋監
湖廣銀場公聞前監者多致富舉古詩云
此鄉多寶玉慎莫厭清貧至則黜貪墨正
風俗手錄性理大全一書潛心讀誦每至
夜分方寢或思有所得即起而焚燭記之
或通宵不寐味而樂之不知手舞而足蹈
也丁繼母憂服闋會有言學政不舉者吏
部尚書郭進首薦公提調山東學校公欣
然就之曰此吾事也每臨諸生必親爲講
解不事檮楚皆呼之曰薛夫子未幾用楊
文貞公薦召爲大理寺右少卿明日轉爲
左少卿公作大理寺箴以自警時中官王
振權傾一時欲邀公拜其門公正色曰安
有受爵公朝拜官私門邪已而遇諸塗衆
行跪禮公獨不屈振由是不悅會有獄夫
實病死其妾私於人欲嫁之妻弗聽遂誣
妻壓魁夫死公爲辯其冤都御史王文誥
事振乃誣公出入人罪繫待決人皆危之
公怡然曰辯冤獲咎死何愧焉手持周易